

Малд хот-хол белдлгѳиг улм гүджрэхмн

КПСС-н ЦК-н болн СССР-н Министрмүдин Совет „Хө өсг-лгѳиг болн ноосна гарциг цааранднь өсгдж-өргджүлхин тускар“—гисн бичгтэн селәнә эдл-ахун көдлчррин өмн колхоз, совхоз болгънд хөн малин толгъан тоогъинь ик-дүлх, хө өсгхин болн ноос гаргъдж авлгъна тускар урднь кесн зурагъан даки шинәс хәләдж, сольхмн,—гидж төр тәвцхәсмн.

Мана партин XX-ч хургин шидврмүдәр болн Алдр Октябрин 40-ч өбниг тоомсртагъар тосхин кергт омгшрсн Восточн МЖС-н механизатормуд Хар газрт хөбдиг элвг хоттагъар үвлзүлхиг тетгхәр седәд, урдк джилмүдәр болхла сәәнәр, бүрдәмджтәгъәр малин хот белдлгъ кеджәнә.

Өвс хадлгъна зурагъан МЖС 80 процент күцәв, энүгән дахулн өвсән машигъәр шахдж боогъад, хөбнә үвлз-нъгүр зөбджәнә.

Яшалтинск района „Новый мир“ колхозин эклц парторганизацин сегләтр И. Смолянко толгъачга полевой бригадин дөбнәгәр мана МТС, Манкаев Николай гарядж йовх комсомольск-багъчудин тракторн бригад өдр-сө уга малин хот белдджәнә, терүгән машигъәр шахад, үвлзәнъгүр зөбджәнә. Иим көдлмшин ашднь джилдән малдан күрх өвсән белдчкәд, колхоз ода түрү-зүдү, аюлиң цагт кергтә көрнә кехәр өвс белдджәнә.

Комсомолец Манкаевин бригадин трактористир өвс хадлгъна, өвс машигъәр шахдж

боолгъна болн өвс үвлзәнъгүр зөблгънә өдрә норман 200 процент күргдж күцәджәнә. Энүнд тасрха сәәнәр көдл-джәхнъ комсомольцир А. Сопов, В. Сангаджиев болн трактористир Н. Манджиев, М. Мизенко эди өдрин норман 200 процентәс давулдж күцәнә.

Өвс белдлгънд бригад иим элдв ик дилвртә болдгнъ „Новый мир“ колхозин эклц парторганизацин сегләтр үр И. Смолянко бүрдәмджтә гардвр тетгснд болн колхозникудин ни-неги кевәр, сәәнәр көдлснд бәәнә.

Малин хот-хол зөблгънд сәәнәр шундж көдлснъ шофермүд Г. Пашин, Г. Иванов, Н. Бланко, И. Неговода, А. Никитин болн тракторист В. Овчаров.

Бригаде сәәнәр көдлдгнъ—колхозин правленъ колхозникудт оньган өгәд, тедниг бәәх бәәрәр, идх-уухарнъ болн сергмдж-амрлгъна көдлмшәр тетгсн учр. Эн бригадин учетчик үр В. Черненко эрсни газет гаргъна, үзмджин доск, „боевой листок“ цагланъ гаргъад, оли дунд газетс, таасм-джта дегтр умшдж цәәлгъдж өгнә.

Алдр Октябрин 40-ч өбнд нерәддж бийдән авсн социалистическ даалгъвран Манкаевин бригад 100 процент кү-цәгъад, ода зурагъасн давулдж көдлмшән кеджәнә. Эн бригадин тракторист М. Мизенко эврәннъ бийдән авсн даалгъвран цуг зүсн көдлмшәри давулдж күцәджәнә,

августин 20-д 700 гектар газр хагълх зуран орчд, 1100 гектар күцәчкв.

Малин хот белдлгъәр му бишәр Элстин, Сталинә пертә колхозин 5-ч болн 11-ч номертә тракторн бригадмуд көдл-джәнә (бригадирмүднъ үүр-мүд А. Чумак болн Чебаков). Болв эн хөйр бригад энүнәсн сәәнәр көдлмшән күцәхми билә, энүнднъ полевой бригадир А. Донцов гемтә. Эн хөйр бригад түрүн эклдж көдлс-нәсн наарән Донцовас нөкд угагъар көдлә, трактористирт зармдән 2—3 өдр хотинъ, уух усинъ күргдж өгхш, бригадирнъ бийнъ долан хонгтан үзгдлж ирхш. Иим дуту-дунд көдлмш эн бригадмудт бәәхиг медә бәәсн колхозин ахлач Сафонов болн колхозин эклц парторганизацин учртан авч, оньган өгхш.

Эн учрар малин хот белдл-гънә көдлмшән, көдлджәх улсин хот-хоолинъ болн бәәх бәәдлинъ ясрултха гидж КПСС-н балгъсна комитет Сталинә пертә колхозин правленәс некх зөвтә.

Алдр Октябрьск социалистическ революцин 40-ч джилдә өбниг сән дилвртә тосхин төләд Восточн МЖС-н механизатормуд малин хот белдл-гънә көдлмшиг улм сәәнәр кегъад, аргъ-эвән күциднъ олз-лад, хамг көдлмшән тоомсртагъар күцәхәр ноолдджана.

Э. ШУГРАЕВ,

КПСС-н Яшкульск райкомин Восточн МЖС-н зональн сегләтр.